



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-319-3/24**
Datum: **18.07.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „ZAMCOMERC“ d.o.o. Fojnica za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada i ispuštanje tehnoloških otpadnih voda u postupku rada objekta klaonice krupne i sitne stoke i prerade mesa, izgrađene u naselju Ščitovo, općina Fojnica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi:**

RJEŠENJE **o vodnoj dozvoli**

1. Pravnom licu „ZAMCOMERC“ d.o.o. Fojnica, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada i ispuštanje tehnoloških otpadnih voda u postupku rada objekta klaonice krupne i sitne stoke i prerade mesa, izgrađene u naselju Ščitovo, na zemljištu označenom kao k.č. broj: 280/5 K.O. Ščitovo, općina Fojnica.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu, pod slijedećim uslovima:
 - 3.1. Da pravno lice „ZAMCOMERC“ d.o.o. Fojnica, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja i prerade mesa, pranjem opreme, uređaja i alata, te pranjem podova i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se vrši redovno čišćenje uređaja za tretman tehnoloških otpadnih i pratećih elemenata od strane ovlaštene firme, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog proizvodnog kompleksa može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja, neophodno je voditi službenu evidenciju.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa Prilogom 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta tehnoloških otpadnih voda i oborinskih otpadnih voda, uzimanjem uzorka efluenta iz okna za monitoring iza uređaja za tretman istih a prije ispuštanja u recipijent, u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.6. Ukoliko Vlada propiše dodatne (strožije) uvjete od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.7. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
- 3.8. Otpad koji nastaje u postupku rada klaonice i pogona za preradu mesa sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.9. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.10. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
- 3.11. Da se kod pranja koriste sredstva koja su prikladna okolinskim zahtjevima.
- 3.12. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.13. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.14. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.15. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj: EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, korisnik predmetnog objekta „ZAMCOMERC“ d.o.o. Fojnica, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „ZAMCOMERC“ d.o.o. Fojnica zahtjevom broj: 06-6/24 od 28.06.2024 godine se obratilo ovoj Agenciji za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada i ispuštanje tehnoloških otpadnih voda u postupku rada objekta klaonice krupne i sitne stoke i prerade mesa, izgrađene u naselju Ščitovo kod Fojnice, na zemljištu označenom kao k.č. broj: 280/5 K.O. Ščitovo, općina Fojnica.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 051-0-RegZ-24-000817 od 24.05.2024. godine, izdatog od strane Općinskog suda u Travniku- ovjerena kopija,
- Uvjerenje o poreznoj registraciji izdato 15.11.2017.godine, od strane Porezne uprave – Kantonalni ured Novi Travnik - ovjerena kopija
- Rješenje o vodnoj dozvoli broj: UP-I/25-3-40-192-6/19 od 17.07.2019. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Rješenje o odobrenju za građenje broj: 05-361-73/97 od 30.12.2097 godine izdato od strane Sekretarijata za urbanizam, građenje i stambeno-komunalne poslove, Općina Fojnica,
- Rješenje o ispunjenju veterinarsko-zdravstvenih uslova broj UP1-06-20-895/2024 od 20.02.2024 godinu izdato od strane Ministarstva poljoprivrede, vodoprivrede i šumarstva Srednjobosanskog kantona-ovjerena kopija,
- Izvještaj o monitoringu kvaliteta i kvantiteta otpadnih voda „ZAMCOMERC“ d.o.o. Fojnica, broj: 22V/24, januar 2024 godine, urađen od strane „Inspekt-RGH“ d.o.o. Sarajevo,

B. Tehnička dokumentacija,

- Glavni projekat zanatske klaonice krupne i sitne stoke i prerada mesa, urađen od strane „Perspektiva-inžinjeri“ d.o.o. Visoko, oktobar 2015. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-319-2/24 od 05.07.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta- klaonice krupne i sitne stoke i prerade mesa klaonica pogona za proizvodnju i preradu mesa, pravnog lica „ZAMCOMERC“ d.o.o. Fojnica, nalazi se u naselju Ščitovo, na zemljištu označenom kao k.č. broj 280/5 K.O. Ščitovo, općina Fojnica.

Pravno lice „ZAMCOMERC“ d.o.o. Fojnica je posjedovalo Rješenje o vodnoj dozvoli broj: UP-I/25-3-40-192-6/19 od 17.07.2019 godine izdato od ove Agencije sa rokom važenja pet godina.

Vrši se redovno održavanje i korištenje postojećih objekata i sistema čija je svrha prikupljanje tretman i odvodnja tehnoloških otpadnih voda.

Prilikom uviđaja utvrđeno je da u tehničko-tehnološkom smislu, obimu i uslovima snabdijevanja, te u načinu prikupljanja tretman i ispuštanja otpadnih voda u predmetnom poslovnom objektu, pravnog lica nije došlo do promjena od izdavanja navedenog Rješenja o vodnoj dozvoli.

Vrši se redovan monitoring kvaliteta i kvantiteta otpadnih voda od strane ovlaštene laboratorije.

Na predmetnoj lokaciji nalaze se cjeline i to: depo za prihvatanje stoke, prostorije za klanje stoke, komore za hlađenje mesa, prostorije za privremeni smještaj kože, prostorija za animalni otpad, prostorije za preradu mesa, kancelarija, sanitarni čvor, taložnik za masnoće, septička biološka jama, dubrenka i drugi prateći sadržaji vezani za djelatnost klaonice.

Projektovani kapacitet klaonice je 580 kom/god. sitne i krupne stoke (goveda, telad, ovce, jagnjad). Po izjavi korisnika trenutno se u klaonici vrši klanje cca 4 kom krupne i sitne stoke sedmično.

Snabdijevanje vodom se vrši sa vlastitog vodovoda. Za zahvat vode i ispuštanje sanitarno-fekalnih voda podnosioc zahtjeva je pribavio vodnu dozvolu od nadležnog organa.

Kože se ne skladište na predmetnoj lokaciji, direktno se predaju ovlaštenoj firmi.

Tehnološke otpadne vode nastaju najvećim dijelom nastaju u procesu klanja i od pranja prostorija i opreme. Ove vode se putem slivnika i kanalizacionih cijevi odvoje u trokomornu septičku jamu. Prečišćena voda se preko okna za monitoring odvodi do recipijenta-rijeke Fojnice.

Oborinske vode sa manipulativnih površina se odvojeno prikupljaju i bez tretmana ispuštaju u recipijent – rijeku Fojnicu.

Otpad od klanja, papci, rogovi, kosti, iznutrice i drugi otpad, se skladište u plastičnim posudama u prostoru odvojenom za takvu vrstu otpada, odakle se odvozi na komunalnu deponiju. Podnosilac zahtjeva ima sklopljen ugovor, od strane JKP „Šćona“ d.o.o. Fojnica, o korištenju deponije smetlišta.

Stajnjak se redovno sakuplja iz štale, u kojoj se privremeno drži stoka do postupka klanja, odlaže u odlagalište đubriva, iz kojeg se odvozi i koristi za podubiranje poljoprivrednih površina.

Procjedne vode iz lagune za zbrinjavanje prostirke/đubriva zbrinjavaju se u osočnu/sabirnu jamu bez preliva.

Vrši se odvajanje krvi prilikom iskrvavljenja, sistemom odvojenog prikupljanja u posebne posude te vrši zbrinjavanje prema uputama veterinarske inspekcije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „ZAMCOMERC“ d.o.o. Fojnica, ispunio minimum uslova za izdavanje vodne dozvole te je riješeno kao u dispozitivu ovog rješenja.


Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- ZAMCOMERC d.o.o. Fojnica, Šćitovo, Fojnica, (Prilog-tehnička dokumentacija pod tačkom B obrazloženja ovog Rješenja)

AVP Sava, ISV-vodna knjiga

- Sektor 50

- Sektor 40-arhiva

- Oglasna tabla AVP Sava Sarajevo